

Protocol dalla radunonza communal dils 19 da matg 2017 allas 20.15 uras en casa da scola a Breil-vitg

Perstgisas: Selda Cavegn, geraua
Maurus Tomaschett, president cussegl da vischnaunca
Ludvig Desax, cumissiun da quen e gestiun
Marcus Brunner, cusseglier
Aluis Cathomen, David Cathomen,

Presenza: 42 persunas

Tractandas:

1. Beinvegni ed approvaziun dil protocol dalla radunonza dils 25 da november 2016
2. Presentaziun e discussiun contract da fusiun B/V/A
3. Varia

Beinvegni ed avertura

Il president communal, Clau Schlosser, fa a tuts presents in cordial beinvegni.

La gliesta da tractandas, ch'ei stada publicada els davos fegls ufficials, vegn suttamessa alla discussiun. Da tala vegn buca fatg diever e per consequenza vegn la gliesta declarada ligionta per la radunonza communal da questa sera.

1. Approvaziun dil protocol dalla radunonza communal dils 25 da november 2016

Il protocol ei staus exponius sin canzlia communal sco era sin la pagina d'internet dalla vischnaunca. Dalla discussiun vegn fatg negin diever. Il protocol vegn per consequenza approbaus entras tscharna unanima.

2. Presentaziun e disussiun contract da fusiun B/V/A

En ina informaziun comunabla dils 31 da mars 2017 a Danis ei vegniu orientau las treis vischnauncas en detagl sur dils puncts principals dalla fusiun. Ils 19 d'avrel 2017 ha giu liug ina informaziun pertuccond las finanzas a Breil. Sin fundament da quellas informaziuns ha la gruppa da project elavurau ora il contract da fusiun. En l'informaziun da questa sera vegn il contract da fusiun presentaus. Clau Schlosser presenta il contract da fusiun en detagl e menziunescha ils puncts principals en quei contract. Suenter la presentaziun han ils presents la pusseivladat da far damondas. Da quella pusseivladat vegn fatg diever e sin las damondas sa vegnir dau risposta. Il president communal informescha che mintgin hagi la pusseivladat entochen ils 26 da matg 2017 da prender posiziun en scret tier quei contract. Il contract ei naven dils 20 da matg 2017 sin nossa homepage.

Clau Schlosser informescha sco ei va vinavon en caussa fusiun. Sco emprem vegn il cussegl da vischnaunca a decider giudlunder ils 7 da zercladur 2017. Silsuenter dat ei ina votaziun all'urna, la quala ha liug ils 25 da zercladur 2017.

Sche tut las vischnauncas approbeschan il contract, va la fusiun cun igl 1 da schaner 2018 en vigur.

Sep Cathomas, commember dalla gruppa da project appelescha alla populaziun da sustener la fusiun e d'approbar quei contract da fusiun alla votaziun dils 25 da zercladur 2017.

3. Varia

Il president communal orientescha la radunonza che la posta svizzera hagi tarmess in scriver pertuccond las agenturas da posta el grischun. Dentar auter ei era l'agentura da Breil menziunada. Sco Clau Schlosser sa aber informar la radunonza ei l'agentura da Breil per il mument aunc buca periclitada, quei sunter il telefon cun singur Thomas Simeon, responsabel per la svizzera orientala dalla posta.

Clau Schlosser engrazia per la presenza, la partecipaziun e la confidonza e siara la radunonza allas 21:15 uras. El fa aunc ina gada attents sin la votaziun all'urna che ha liug ils 25 da zercladur 2017.

Breil, 22 da matg 2017

Il president

Igl actuar